

Salzburgensis Episcopatus nomē habet à Saltzburgo metropolitana Ba-
 uariæ vrbe, quæ eadem à *Sulzach* flu. nomen mutuata est. Olim Iuuauia
 à Iuuado dicta, Germanicè *Helffenburg*, quod castrum ibi extruxerat Iu-
 lius Cæsar, iuuamē seu subsidiū ac refugium legionibus suis contra Ger-
 manos quos debellaturus erat. Nonnulli tamē etiā hoc nomē à Iuuanio fluuio vrbi
 propinquo obtinuisse credunt. Eam præterea Volaterranus Badacum dictam ait.
 Norici pars hæc est tabula, complectiturque præter Saltzburgenses Anasinam regio-
 nem, Pintzgouios & Alpes Iulias. Cæterum adiacens territorium montuosum, col-
 libus ac iugis vndiq; eleuatur, quæ Tauri montis cacumina esse vel ipsum nomen te-
 statur. Tauri enim incolæ vocant, in qua etiā opinione est Vadianus, cuius hæc de
 ijs verba sunt. Durant hæc (inquit) in Norico (cuius hæc pars est terra) & Carinthia
 nomina. Multi verò Tauri sunt, hoc est, Tauri, vt ipsi vocant, variè ab accolis cogno-
 minati, vt: *Kadstatterthauri*, *Felbergthauri*, *Kaunlerthauri*, *Kornthauri*, *Easteiner-*
thauri, & innumeri penè alij, adeo alti, vt qui media eos ætate superant, cū ad ver-
 ticem peruentum est, frigore infeltentur: nullus curribus locus, angustissimi trāmi-
 tes, adeoque præcipiti subinde asperitate, vt iumentis tantum elitellarijs, ac ne his tu-
 to quidem, nisi assuetis, illac iter esse queat. Grandia verò pericula, cū aut subito ex
 orti venti in præcipitia deturbant euntes: aut verno tempore immensi conuolu-
 tarum niuium globi syluas, saxa, iumenta, & iuxta sitas persæpe domos funditus
 auferunt. Mirum verò in plerisque horum montium locis, cū paulò accesserit Sol,
 in ipsis niuib; natos vermiculos ceu tineas quasdam cerni. Verum his monti-
 bus frequentia quoque aucupia, ac ferarum venatus existit. Plana verò loca confi-
 tionibus, agris, frumentoque apta. Paludes quæ frequentes sunt, pascua præbent:
 fluminibus ac riuiis infinitis propemodum rigatur, qui ex eiusdem montibus sca-
 turiunt: Anassus fluuius in Septentrionem fluit, & Alzio, Saltzachio, Matichioque
 fluuijs oneratur. Traunus ibidem ex lacubus oritur. Item Mur. flu. hic suos fontes
 sumit; nec non & Drauus nobilis amnis, quem etiā Plin lib 3. ca. 25. è Noricis fluere
 tradit, Reliqui ignobiliore; riuli in hos quos modò nominaui exonerantur. Syluis
 quoque Episcopatus hic non destituitur. Hardionem enim, Hænhardum, & VVeyl-
 hardum syluas ad Septentrionem positas habet. Montes præter supradictos Tauros,
 habet in Meridiem versus Alpes, quos Albin ipsi vocant; varijs quoque cognomentis
 ascitis, vt Villacher Albin, Svanberger Albin &c. item Creutzbergum montem,
 Lettacherbergum, & in Oeuina valle metalliferos, de quibus sic cecinit Conradus Cel-
 tes lib. Amorum 2. oda 6.

*Qui mihi de celsis nuper fuit Alpius actus
 Oenus vbi, atq; Arthesis murmura rauca facis.
 Argenti aeterno scaturit qua vena metallo,
 Et ditat totam patriam Alemanicam.
 Hic halant liquido, puro & de fonte salina,
 Ditantes Bavaros, Austriacosq; duces.
 Hic turba est terra, nigra q; similima morti,
 Qui soluunt vastis ignibus arā suis.
 Haud credas nostris decocta metalla per ignem
 Sed Phlegethontæ mundificata vadis.*

Cū olim Episcopatus tantū fuerit hæc ditio, anno Christi octingentesimò vigesi-
 simo primo, Arno decimus Episcoporum, primus ibi Archiepiscopus factus, pal-



Qui patrie adfert ingenio sua
 Illustre nomen, Landibus excolens
 Dignis fauore est, premiaque
 Quam sequens venerit aetas
 Cum Marcus ergo fecerit hoc opus
 Grato tacem, et quae, sine fine
 Salzbürga civem, gestiensque
 Pofteritatis honore cinge

Henricus Nibel fecit
 1 2 3 4 5 6 7 8 9 10

Scala Miliarium.

Meridies

SALIS BV DE SC R PT IO

GENSIS

Salzbürgens jurisdictionis
 locorumque vicinorum vera
 descriptio auctore Marco
 Secunzel Salzbürgense
 Johann Bussemacher excudit

Coloniae Agrip. 1590

lium à Leone tertio adeptus, populum Saltzburghensem annis triginta sex, salubriter pavit Habet autem Archeipiscopatus hic sub se suffraganeatus, Tridentinum, Patauensem, Viennensem, Gurcensem, Brixensem, Frisingensem, Seccouiensem, Laurentinensem & Chyemensem. vt refert Munsterus: In celebri hac Salisburghensi vrbe sepulchrum visitur Philippi illius Theophrasti, cognomento Paracelsi, qui Medicinæ vtriusque doctor inclytus: quam Basileæ annis aliquot publico stipendio, maxima cum admiratione professus est: primus nouæ ac Spagiricæ auctor Medicinæ, quam Archidoxis Theophrastiæ, alijsque libris editis propemodum infinitis, longè lateque disseminauit: qui dira illa vulnera, Leporam: Podagram, Hydropisim, aliaque insaniabilia corporis contagia arte sustulit mirifica. quin & Commentarijs in sacros libros, & præterea quibusdam dogmaticis post se relictis passim cognitus: Eremiticæ sectator vitæ, suus quàm alterius esse maluit. cùm bona sua in pauperes distribuenda collocandaque ordinasset, sine optato annos natus septem & quadringenta vitam cum morte commutauit Anno Christi 1541. die 24. Septembris, & in hac metropolitana Salisburghensi vrbe requiescit.

